

Mirsad Smajić

Rodjen 22.03.1955. u Ključu

Obrazovanje: Ekonomista

Penzioner u Kanadi i Bosni

Esselamu aleikum draga braćo i sestre,

Ja sam Mirsad Smajić. Živim u Torontu na istoj adresi od septembra 1998. a prije toga po dolasku u Kanadu bio sam od januara 1993. do septembra 1998. u Quebecu. Član sam našeg džemata od 1998. Moj sin i kći su po završetku fakulteta kad su dobili zaposlenje postali redovni članovi džemata, sin od 2008. godine a kći od 2010.



U Quebecu sam sa našim Bošnjacima pristiglim sa familijama većinom logoraši i nekolike bosanske familije koje smo zatekli u Quebecu formirali "Association Bosniaq de Quebec" čija je glavna aktivnost do 1995 godine dok je agresija vršena na našu domovinu, bilo prikupljanje sredstava za pomoć Armiji BiH na što sam ponosan jer smo u okviru tada naših mogućnosti kad smo svi bili na socijali prikupili oko \$ 30,000 a ja sam svakog prvog u mjesecu kad dobijemo socijalnu pomoć išao od stana do stana da prikupljam donacije koje smo mjesečno slali u našu ambasadu u Vashingtonu.

Tajib efendija je od nekih ljudi čuo za mene te me pitao da li bi ušao u džamijski odbor 2000. godine te da ako budem izabran preuzmem blagajnu džemata što sam prihvatio. Do tada blagajnici su bili zaposleni ljudi tako da nisu imali puno vremena da provode na uspostavljanju što transparentnije evidencije donacija od članova i drugih donatora (naše braće u Islamu) a ja sam kao logoraš bio na family benefit od 1999 pa sam imao vremena za vodjenje blagajne. Tad je džemat brojao oko 170 familija, a danas imamo hvala Allahu 461. Na kraju godine svi donatori su dobili oficijelni resit za taksu i mogu reći da nisam imao primjedbe.

Bio sam aktivan oko prikupljanja sredstava za konačnu isplatu duga za kupljeni objekat te za sve renovacije u toku zadnjih petnaestak godina gdje je za te namjene kroz našu blagajnu prošlo oko \$1,500,000. Koji su to sve izvršeni radovi u toku zadnjih petnaestak godina napisane su u izvještaju o renovacijama koje je uputio DžO u okviru tačke jedan.

Moja vizija za budućnost džemata:

Draga braćo i sestre žalosno je čuti kako pojedinci šire neistine u džematu da je džamija istjerala karate, folklor te zabranila još neke aktivnosti. Ljudi koji su vodili te programe su mi rekli u razgovoru da su oni svojevrijedno napustili džamijski prostor a što su potvrdili i pismeno.

Moramo dati još veći fokus na mektebsku pouku za djecu kao i za rad sa tinejdžerima i omladinom za šta treba mnogo više volonterizma od članova džemata i roditelja djece. Moje je mišljenje da nas Bošnjaka ima vjerovatno dva puta više van džemata te trebalo bi pokušati raditi sa tim ljudima i džematlijama na izgradnji ili kupovini prostora za bosanski kulturni centar. Ubjedjen sam ako mladi pametni momci i djevojke iz džemata naprave idejno rješenje sa okvirnim predračunom koštanja da neće biti problem novac, jer mi Bošnjaci samo treba da krenemo u akciju. Ovoj akciji bi se vjerujem priključile džematlije iz Bosanskog Islamskog Centra Toronto.